

Asisko gutuna

2019ko abuztua.

2. printzipioa. Eguneroko bizimodua: barnerantz, umiltasuna

130. zenbakia

Jesus ekintzara erabat emanik bizi izan zen; Jainkoaren Erregetza prestatzeko, Berri Ona zabaltzeko premia larria sentitzen zuen. Baina bazekien aldi berean Jainko Aitarekin egoteko tarte luzeak hartzen, bakardadean, otoitzean. Eta premian aurkitzen diren pertsonen aurrean, edo baztertuak direnen aurrean... inoiz ez du presarik.

Gogoetarako gaia

Denbora galtzea

Gure gizarte aurreratu honetako ondasun preziatuenetako bat denbora da. Zenbat gauza egiten ditugun denbora aprobetxatzeko. Lanaren munduan, dirutan kontabilizatuta dago denbora. Denbora urrea dela esaten dugu. Horregatik, denbora galtzea zabarkeria da, zentzugabekeria, egin behar ez dena.

Egia da, halaber, garai batzuetan soberan geratzen zaiguna denbora dela: ezin dugulako lanik egin edo gure denbora produktiboak ez diren zereginetan (itxaronaldiak, luze gertatzen diren laguntzak...) bete behar dugulako, edo besterik gabe oporretan gaudelako. Denbora hori astuna izan daiteke eta zerbaitekin bete behar izaten dugu. Tentaziorik ohikoena denbora zerbaitetan betetzea da. Horretarako ditugu "denbora-pasak", eta ez aspertzeko hainbat denbora betegarri. Baina, bestalde, guretzako denbora izatea deseatzen ari gara, erabat gainditzen gaituzten eguneroko korrika eta presakako kontue-

tatik ihes egiteko. Denborarekin kontraste handia bizi dugu.

Agian denbora galtzen jakiteko garaia da. Bizitzan denbora berezia behar duten gauzak daude; denbora hori ez da kontatzen ekoizpen-denborarekin edo denbora okupatuarekin. Denbora galtzea den horretan barneratzeak bestela inolaz antzemango ez genituzkeen errealitate pertsonal berrietara ireki gintzake: gure barrualdea, gure inguruko pertsonen bizitza bere beharrekin, gure ingurua, begirada sakonagoa eta desinteresatuagoa..., Jainkoa. Horrek guztiak denbora galtzea eskatzen du, eta azkenean, seguruenik, bizia irabazteko izango da.

Zer esanik ez geratzen zaidan gauza bakarra denbora denean, gaixorik nagoelako edo nire mugapenek ez didatelako besterik egiten uzten. Geratzen zaidan bakarra nire denbora pertsonentzako eta munduarentzako Jaungoikoari eskaintzea da, amodioagatik, nahiz eta aspertu.

Ebanjelioko pasartea: Mt 10, 5-10

Hamabiok bidali zituen Jesusek, oharpen hauek eginez: «Ez joan jentilen lurraldeetara, ez sartu Samaria herrialdean ere, baizik eta joan Israel herriko ardi galduengana. Bidez zoaztela, hots egin Jainkoaren erregetza gainean dela. Senda itzazue gaixoak, piztu hildakoak, garbitu legendunak, bota deabruak. Doan hartu duzue, eman doan.

«Ez eraman urrerik, ez zilarrik, ez dirurik gerrikoan, ez zakutorik biderako, ez soinekorik aldatzeko, ez oinetakorik, ezta makilarik ere, zor baitzaio langileari behar duen janaria.

Frantziskotar espiritualtasuna

Frantzisko Jaungoikoaren gizonak ... bere denbora guztia aisialdi santu bihurtzen zuen, jakinduria ariman sartuz joan ziezaion. Ezkutuko tokiak bilatzen zituen beti, non ez bakarrik espirituz, baizik bere izate osoz Jainkoari atxikiturik geratzen joan zedin.

Jendaurrean egonik, bat-batean Jaunaren bisitaren batengatik ukitua sentitzen bazen, une horretan ere gelatik kanpo ez egoteko bere soingainekoarekin bilduz gelaxka bat egiten zuen. Baina horrelakorik ezer ezin nuenean egin, bere bihotza bihurtzen zuen tenplu. Bestalde, oihanetan eta bakarda-deetan otoitz egiten zuenean, basoak hasperenez betetzen zituen: han, Epaileari erantzuten zion, Aitari otoitz egiten zion, Adiskidearekin hitz egiten zuen, Senarrarekin gozaten zen. Sarri hausnartzen zuen ezpainak mugitu gabe, bere espiritua zeruetara igoz.

Aita zorionekoak ez zuen axolagabekeriagatik Espirituaren bisitarik gutxien, eskaintzen bazitzaion; alderantziz baizik, opariari erantzuten zion, eta gozamenaz dastatzen zuen Jaunak eskaintzen zion denbora guztian. Eta, izan ere: bidez zihoazela, anaiak aurreratzen utziz, bera atzean geratzen zen jasotzen zuen argiztapen berria dastatu nahian; ez zuen ez grazia alferrik hartzen. (2Zel 94-95)

Otoitza

Hitz ematen dizut, Jauna, aurrerantzean:
Ez dudala ezer gordeko "une berezi baterako",
bizi dudan egun bakoitza berezia baita.

Denbora gehiago emango dudala
maite ditudan pertsonekin,
Nire jaki gogokoena jatea eta
irrikatzen ditudan lekuak bisitatzea,
bizitza gozatzeko uneen segida bat baita,
ez bizirauteko lehia.

Gustura egoteko jantzi, eta nire perfume gogokoena erabiliko dudala
Eta gorderik ditudan eta une berezietan soilik ateratzen ditudan
kristalezko kopa horietan edango dudala.

Terrazan eseriko naizela eta
begiratuko dudala, hurbil eta urruti,
eta eskaintzen zaidana miretsi
eta ikuskatuko dudala,
nahiz eta lainoak, belar txarrak
eta sasiak egon.

Honako esaldiak nire hiztegitik kentzea:
"egun hauetakoren batean...", "bihar...", "agian...",
Eta nire eta besteen bizitzara
ilusioa eta gozamina dakarren ezer
ez atzeratzea.

Zu bilatzea egunero, orduro, minuturo...,
une hauxe Zurekin egoteko
eta zoriontsu izateko
daukadan une berezi hori delako.

Gutuneko azken hitzak

"Denbora amaitzen denean, betikotasuna hasten da." (H. H. Jackson)


2019ko abuztuko eguneroko Ebanjelioa

Egunero Ebanjelioa irakurri nahi duten lagunek, egun bakoitzari dagozkion irakurgaien arabera, hemen daukate abuztuko erreferentzia guztiak:

| | | | | |
|----------------|---------------------|-----------------|-----------------|-----------------|
| 1 Mt 13, 47-53 | 8 Mt 16, 13-23 | 15 Lk 1,39-56 | 22 Mt 22, 1-14 | 29 Mk 6, 17-29 |
| 2 Mt 13, 54-58 | 9 Mt 25, 1-13 | 16 Mt 19, 3-12 | 23 Mt 22,34-40 | 30 Mt 25, 1-13 |
| 3 Mt 14, 1-12 | 10 Jn 12, 24-26 | 17 Mt 19, 13-15 | 24 Jn 1, 45-51 | 31 Mt 25, 14-30 |
| 4 Lk 12,13-21 | 11 Lk 12, 32-48 | 18 Lk 12,49-53 | 25 Lk 13-22-30 | |
| 5 Mt 14, 13-21 | 12 Mt 17, 21-26 | 19 Mt 19, 16-22 | 26 Mt 23,13-22 | |
| 6 Lk 9,28b-36 | 13 Mt 18, 1-5.10-14 | 20 Mt 19, 23-30 | 27 Mt 23, 23-26 | |
| 7 Mt 15, 21-28 | 14 Mt 18, 15-20 | 21 Mt 20,1-16 | 28 Mt 23,27-32 | |

Geure web gunea bisitatu

www.asissarea.org



Asis Sarea

646 21 48 96

Abuztuko otoitzaldia
29an izango da.